

www.BibleForChildren.org

Matius 26



Nga onompo
tadau om orikotno
i Paska, irino tadau
tagajo do tongotulun
Joudi do pangandaman
di kinopogiduan
diodu-aki diolo mantad
si Vonuvo Masir di pogulu, om
gulino dii i Yisus siri Boitani, si kampung
di Lajarus, i napatai nga vinijau Disido.



Om onuono dii di
Moria iri tangakati
vinagat diri lana di
aangod marong
do auso gavul om
amaar marong, i
vinaal mantad di gamut
do sogumau taragang,
om potuntugo siri takod di
Yisus om piido nogi dii di tobukjo. Nga atukpo
dii kaangod tavau di lana siri saralom do valai!



Nga kivaro iso tulun diri opulu om duvo tulun di Yisus, i Yudas i tulun mantad soi Kampung Koriut. Om ongoino dii isido siri di tongokotua di imam do minongupakat do pojual isido di Yisus si diolo.



Nga aandaian dii marong iolo do nokorongou di tangar di Yudas do irad diri, om pangajanjino dii iolo manaak do siin si disido. Om pogiumno dii i Yudas do akal nong potingkuro itaak i Yisus si di tongokotua di imam.



Om pampanauno dii iolo mongoi
siri nisuu di Yisus diolo do
monodia diri akanon do Paska.


Om ontok di sangakan-akan ikoi
doi Yisus, om paganuno dii Isido
di kuui, om pangarajouno dii
Isido di Kinoringan, om
poikokib-kokibo, om taakai
nogi dii dagai di
tongotulunJo,
om kaDisido,
"Paganu kouno
diti kuui, om
akanoni do itino
kojuvanku," ka.




Om kuutaiJono dii iri sangkir do
kivaig do anggur, om ponorimakasi
nogi dii Isido di Kinoringan, om
pataako nogi dii Disido dagai, om
kaDisido, "Pongiup kouno kasangkat
diti vaig anggur, do itino raaku
do pomogiroto di pongojonjian do
Kinoringan, do tumuntug i raaku
supaya ompunanku
i duso di
tongotulun."



Om pitangar i Yisus di Pitrus do ka, "Simun! Antangai pogi nga pokionuon kou marong di Soitan, i kotua do rogon, do ponsubaan i ginavo muju nong atatap aparsaya ko au, irad do mangatap do parai. Nga nasambayangankuno ika, Simun, supaya aui daa lumuoi i kaparsayaannu si Dogo. Om nong koguli nopo i ginavonu do aparsaya om pogirotono kasangkat i ginavo di tongosulodnu," kadi Yisus.



Om jawabno dii i Pitrus disido, "Tuhan, pojiilonKo ko patajonpo nga nokosodia okuno maja Dika," kadi Pitrus. Nga pitangarno i Yisus do ka, "Pitrus, noilaanKuno ika do aupo kopongingkukuuk ilo tandaa sodop maino, om intolukono mitangar do, 'Au oku kotutun di Yisus!' kanu dino Pitrus," kadi Yisus.



Nga korikot nopo dii ikoi
mivaja di Yisus siri iso
pantok do pinongurangan
do Kabun Gitsamani
si Kulud Jaitun, om
pitangarno dii i Yisus
dagai, i tongotulunJo,
do, "Ogom koupo pogi
siti. Mongoi Okupo
sambayang siilo," ka.



Om kadi Yisus, "Ou Amo,
nuu nopo nga obuli sino
Dika. Tulungo Okuno
Dikau daa do poinsoduo
Dogo iti kasansaraanKu;
nga okoniko maja Oku
do kouvanganKu kondiri,
nga irino kouvanganNu,"
kadi Yisus.



Jadi ongoino dii i Yudas do minangangat di somposukan soujor om piipiro i pulis di jumaga di Valai Sasambayangan Tagajo silo Bandar Yorusalim sabap sinuu di tongokotua do imam om i kumpulan do Porisi do rinumikot siri, do songingkuut do lampu om solunsung om tongosindata.



Om pangakangno dii iri iso koruang diolo do monibas
di turipon di Imam Tagajo gosob do napapas i
tolingojo ponong vanan. Nga pitangarno i
Yisus, "Adano ino, sukupno ino," ka.

Om onuoJono dii iri tolingo di
tulun, om posokotono dii
kavagu om lingasaino dii.



Om tangkaponno dii diolo i Yisus om ovito mongoi siri
valai diri Imam Tagajo. Nga suutno dii i Pitrus di
Yisus siri sodu. Om siri nopo natad di valai diri
nga kivaro pinurokitan
diolo do padadangan
do noliput do tulun
om rinumungum
i Pitrus diolo
mogom do
dumadang
diri tapui.



Nga kadiri iso tulun,
turipon di Imam
Tagajo, sonsuladan
di turipon di tinibas
di Pitrus i tolingo do
ka, "Okoniko ika iri
naantanganku maja-vaja
Disido di siri kabun?" ka.
Om pongolimno dii kavagu i
Pitrus do kotutun di Yisus
do ka, "Okoni," ka, om turus
pongingkukuukno dii i tandaa.
Nga labusno dii i Pitrus,
om pogiad do opuod.



Om ingkakatno kasangkat i
tongokotua do tulun Joudi do
nountun siri, om angataino dii i
Yisus do pogotuvangon siri di
Gobonor Pilatus do
siasaton nong kivaro
kasalaan ko auso. Om
duatono dii di Pilatus i
Yisus do ka, "Ikano naku i

Raja do tulun Joudi?" ka.




Om, "Inongno dino tangarnu," kadi
Yisus. Om pitangarpo kavagu i
Gobonor Pilatus diolo, do uvang
daa isido palabus di Yisus.

Nga pongoluvap dii iolo
do jumawap di Pilatus
do ka, "Posolibo nopo
tulun dino! Posolibo
nopo tulun dino!" ka.




Sabap diri do nipoovit dii di Pilatus
di tongosoujor i Yisus do posolibon.
Om ovitono dii di tongosoujor i Yisus,
om simbanono dii Disido i salibJo
do mampanau mantad si bandar do
minongoi siri iso pantok i pongurangan
do 'Tulang do Tulu'. Tangar nopo
do Ibrani nga 'Gulguta'.



Om sirino dii pinosoliban diolo di Yisus
om i duvo tulun do nokoontok Disido
pinasalib do ponong gibang om
vanan om siri i Yisus
pialatan diolo.



Om ontok nopo diri nga pukul duabalas
tanga tadau kama iri, om tigogi do tinumuvong
pointongkop-tongkop di vonuvo gosob do pukul tiga
minsosodop, do au sinumidang i tadau. Om ontok diri
nopiduvo do nokinis kondiri i tabir
di akapal iri si pintangaan di
Valai Sasambayanan Tagajo.
Om luvapno dii i Yisus do
opuod do ka, "Ou Amo,
pataakonKuno Dika
iti tatodKu!" ka, om
katangar nopo dii
Disido irad diri om
noidu nogi dii
iri ginavoJo.



Isido nopo nga iso tulun mantad
di Pinonguntunan di Tongkotua
iri urumaton, om isido nogi
nga mindad-indad diri
tadau do porintawon
di Kinoringan i
tongotulunJo.

Opusu marong i
Jusip do mongoi
sumamung di
Gobonor Pilatus
do mokilila
mongongoi di
kojuvan di
Yisus.



Pomolino dii i Jusip do kain do
opurak, om polintuunono dii
disido i kojuvan di Yisus,
om lopotono dii di kain
topurak, om poosuno
dii i kojuvan siri
lobong do i vatu
linuvangan.

Om poluvido nogi
dii disido iri vatu
pinosompon di lobong.



Ontok diri nopo nga Ari Lima, i Tadau
Kinosiapan di Tulun Joudi
do Balanja do tadau
tagajo diolo, om
susuvabpo dii irino
tadau do Ari Anam,
om samungno
dii di Pilatus i
tongokotua do

imam
om i

kumpulan
do Porisi, ...



... om kadiolo, "Tuan,
aandamanja iri tangar
di Yisus i mamamalid
do tulun, diri
ovijaupo Isido
do, 'Katalib tolu
tadau tumungag
Oku,' ka.



Om ongoino dii iolo
mivaja di tongosoujor
do mangagaam diri
pinonompon di lobong,
om pajagaai diolo
di soujor siri
gotuvang
di lobong.



Om katalibpo dii diri Tadau
Koingkajadan, om i minanavauno
dii di susuvab di Tadau
Minggu, iri tadau koiso
saralom sominggu, om
ongoino dii i Moria,
i tulun mantad si
Bandar Madala,

om i Moria
vokon do
mongontong
di lobong.



Nga tigogi do ginumunggun i tana do
opuod marong do kivaro moloikat
do Tuhan minindaau mantad
suruga minongoi pongoluvid
diri vatu nisompon di
lobong, om ogom
nogi dii siri timpak
di vatu. Nga
songkopor-kopor

nopo dii iri
minangajaga
siri do nokorosi
marong om
naadan dii irad
do napatai.



Om pitangarno dii i moloikat diri
tongotongondu do, "Ada kou
rumosi do oilaankuno do
mogium kou bo dino
di Yisus daa
iri pinasalib."



"Nga auno sino Isido siti, novijauno kavagu do irad diri nokomoiJo mantad. Ongoi koupo siti, om antangai ilo pinoilian Disido."




Om piogono dii iolo mogidu
mantad siri lobong do rumosii
aandaiani marong iolo, om
panangkusno dii iolo do
mongoi mangaabar di
tongotulun di Yisus.



Nga tigogi dii do nosomungan di Yisus iolo, om kaDisido, "Potingkuro? Aandai-andai kovi?" ka. Om ongoino dii poibisaraan iolo di takodJo om singkotud do sumamba Disido.





Om intalangi nogi i Yisus si di opulu om iso tulunJo,
do ontok diri makan-akan iolo. Om pakaraaton dii di
Yisus iolo do au gia aparsaya iolo Disido sabap
ongokodou i ginavo diolo, om au nogi aparsaya iolo di
tongotulun di nokoontong di Yisus do novijau Isido
kavagu. Om koompus nopo dii di Tuhan Yisus iri
tinangarJo diolo, om poinsavato nogi dii Isido soi
suruga, om ogom siri ponong vanan di Kinoringan.



Do au marong
kojuu i Kinoringan
di tongotulun siti vonuvo gosob do
pinataak Oku Disido do apatai, do
Iokuno i TanakJo tunggal, supaya
isai-isai nopo aparsaya Dogo om
kaanu do kovijaan diri auso
koovion om aui obinasa
i tatodjo.



Ruum 3:23

do kasaangkat nga nakapamaal do duso om nokoinsodu mantad di vinaang do kagajaan di Kinoringan.

Ruum 6:23

Do isuli nopo diri duso nga kapatajan, nga iri nopo itaak do Kinoringan toomod nga kovijaan di auso koovion, do nokopiisono di Koristus Yisus i Tuhan tokou.

Ibrani 9:27

Nga tinantu do Kinoringan do kasangkat do tulun nga insan noo kapatai, om mantad diri oukuman iolo Disido.

Ipisus 2:8,9

Do kinovijaan tokou nopo nga sabap opuavang i Kinoringan daton do aparsaya tokou di Koristus, om okoniko mantad do tumos tokou do kumaraja do pinataak nopo toomod do Kinoringan.



Jadi nong irad dino auso kinoontodo tokou do misinggagajo, do okoniko mantad di karaja tokou kondiri do kaanu tokou di kovijaan diri auso koovion.

Ruum 10:9,10

Do nong mangakun iti kabang tokou do i Yisus nopo nga i Tuhan tokou, om aparsaya iti ginavo tokou do vinijau di Kinoringan Isido mantad si pialatan di tongotulun di nongapatai nga kaanu tokovi do kovijaan do auso koovion. Do mantad di ginavo do aparsaya i tulun om pakabanaron nogi isido di Kinoringan, om mantadi di kabang di tulun mangakun om onuan isido do kovijaan.



Yaya 3:16,17 Do au marong kojuu i Kinoringan di tongotulun siti vonuvo gosob do pinataak Oku Disido do apatai, do Iokuno i TanakJo tunggal, supaya isai-isai nopo aparsaya Dogo om kaanu do kovijaan diri auso koovion om aui obinasa i tatodjo. Do kinoponuan nopo di Kinoringan Dogo i TanakJo siti vonuvo nga momijau di tongotulun, om okoniko do momutus.

1 Yaya 5:11-13 Om itino kosoksianJo do noonuan tokou di Kinoringan di kovijaan do auso koovion, om kovijaan nopo diri nga si di TanakJo. Isaai nopo i manansanganu di Tanak do Kinoringan nga irino kivaro kovijaan do auso koovion, nga isaai nopo i au manansanganu di Tanak do Kinoringan nga ausono kovijaanjo. Potulisonku kasangkat iti siti surat pokoyon si dikovu diri naparsaya di ngaran di Tanak do Kinoringan supaya koilo kou do nasanganu muju i kovijaan di auso koovion.



Matius 26-28; Lukas 22-24; Yaya 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Kadazan, Labuk-Kinabatangan Bible (dtb) © 1995,
Wycliffe Bible Translators, Inc. All rights reserved.

<https://live.bible.is/bible/DTBWBT/MAT/1>

©2024 Bible for Children, Inc.

www.M1914.org

www.bibleforchildren.org

